

1956

အပိုင်း - အပိုင်း

AWIG - AWIG

ရမာဏပရမာဏီယီဗူဟာရီ

DESA PAKRAMAN CEMENGAON



ရမာဏပရမာဏီယီဗူဟာရီ

DESA PAKRAMAN CEMENGAON

ရမာဏီယီဗူဟာရီ

DESA CELUK, SUKAWATI

ဂျာနယ်

GIANYAR

အပိုက် - အပိုက်

AWIG - AWIG

ရဟတပရမက္ခိယက္ခဟာရီ

DESA PAKRAMAN CEMENGAON



ရဟတပရမက္ခိယက္ခဟာရီ

DESA PAKRAMAN CEMENGAON

ရဟတခိလုက္ခဟာရီ

DESA CELUK, SUKAWATI

ဂျီယာ

GIANYAR

PIDAGING
MAKA BANTANG AWIG-AWIG DESA ADAT CEMENGAON

MURDHA CITTA

SARGA I	ARAN LAN WAWIDANGAN.....	1
SARGA II	PATITIS LAN PAMIKUKUH.....	1
SARGA III	SUKERTA TATA PAKRAMAN.....	2
	PALET 1 INDIK KRAMA.....	2
	PALET 2 INDIK PRAJURU.....	8
	PALET 3 INDIK KULKUL.....	10
	PALET 4 INDIK PARUMAN.....	11
	PALET 5 INDIK DRUWEN DESA.....	13
	PALET 6 SUKERTA PAMITEGEP.....	14
	KAPING 1 KARANG, TEGAL LAN CARIK.....	14
	KAPING 2 PEPAYONAN.....	15
	KAPING 3 WEWANGUNAN.....	16
	KAPING 4 WEWALUNGAN.....	16
	KAPING 5 BHAYA.....	16
	KAPING 6 PANYANGGRAN BANJAR.....	17
SARGA IV	SUKERTA TATA AGAMA.....	18
	PALET 1 INDIK DEWA YADNYA.....	18
	PALET 2 INDIK RESI YADNYA.....	21
	PALET 3 INDIK PITRA YADNYA.....	22
	PALET 4 INDIK MANUSA YADNYA.....	28
	PALET 5 INDIK BHUTA YADNYA.....	28
SARGA V	SUKERTA TATA PAWONGAN.....	34
	PALET 1 INDIK PAWIWAHAN.....	34
	PALET 2 INDIK NYAPIAN.....	36
	PALET 3 INDIK SENTANA.....	37
	PALET 4 INDIK WARISAN.....	38
SARGA VI	WICARA LAN PAMIDANDA.....	40
	PALET 1 INDIK WICARA.....	40
	PALET 2 INDIK PAMIDANDA.....	41
SARGA VII	NGUWAH-NGUWUHIN AWIG-AWIG.....	42
SARGA VIII	PAMUPUT.....	42
	PAH-PAHAN SETRA KRAMA DESA CEMENGAON.....	44

MURDHA - CITTA AUM, OM

OM, SUASTYASTU, OM AWIGHNAMASTU NAMA SIDHAM

Putusing sabha krama Desa Adat Cemenggaon gumawe Awig-awig Desa pakraman maka sepat siku-siku pamatut, wastu kasidhan prayo janan mami kabeh prasama angidep muwah amagehaken kadi linging awig-awig iki.

SARGA I - *pulimalan*

ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Cemenggaon.
- (2) Jebar kakuwub wawidangannya mawates nyatur :
 - a. Sisih wetan ring Desa Adat Sukawati
 - b. Sisih kulon ring Desa Adat Tangsub.
 - c. Sisih lor ring Desa Adat Lantang idung.
 - d. Sisih kidul ring Desa Adat Guwang
- (3) Desa puniki kawangun antuk karang ayahan desa lan karang guna kaya, turmaning kaepah da dos tigang tempek bebanjaran, soang-soang sinangguh tempekan luwire :
 - a. Tempekan Mengaling
 - b. Tempekan Tangluk Mas.
 - c. Tempekan Cakra.

SARGA II

PATITIS LAN PAMIKUKUH

Pawos 2 - *pawangan*

Desa Adat Cemenggaon ngamanggehang pamikukuh minakadi :

- a. Pancasila
- b. Undang-Undang Dasar 1945, pamekas pasal 18 - B.
- c. Perda Propinsi Daerah Tk I Bali Nomor 06 tahun 1986
- d. Tri Hita Karana manut Sada cara agama Hindu

Pawos 3

Luwir patitis Desa Adat Cemenggaon :

- a. Mikukuhin miwah ngarajegang Sang Hyang Agama.
- b. Nginggilang tata pawertine maagama.
- c. Ngarajegang kasukertan desa saha pawongannya sekala lan niskala.

SARGA III - *pe wanda*
SUKERTA TATA PAKARMAN

Palet I

Indik Krama

Pawos 4

- (1) Sane kabawos krama Desa Adat utawi Banjar Cemenggaon inggih punika, krama sane maagar Hindu, sane magenah ring karang desa, karang guna kaya, tur sampun ngayah nyiwi kahyang desa.
- (2) Sajaba punika kabawos tamyu.

Pawos 5

Ulesin jagat, teges ipun :

- a. Pengarep : Sahanan kula warga sane magama Hindu sane sampun marabian tur pastika nangga utawi ngamong karang ayahan desa utawi karang paguna kaya, sinanggeh krama desa/banjar pangarep.
- b. Pangampel : Krama desa sane tan nangga ayah i aji tur tan ngamong karang ayahan desa utawi tan madruwe karang paumahan kadi ring arep sinanggeh krama desa/banjar pangampel.
- c. Tapukan teges ipun : Krama sane kantun alit durung antes ngayah, lanang utawi istri kaempu olih yayah utawi renanya.
- d. Paniri teges ipun : Yening wenten anak madewek luh wiadin muani anom wiadin tua, makaran lan macarik.
- e. Paniri alit : Kawastanin Tapukan duaping katinggal olih rama renanya, duaning asapunika apar durung pantes tiwakin ayah kawenang ayahnya katapuk olih krama desa.
- f. Pamungluan teges ipun : Jadma tan pakarang, tan pacarik, tan parabi, tan paoka, tan pasameton tan paaji, tan pabiang.
- g. Balu teges ipun : Jadma sane sampun makurenan kapungkur ipun katinggalin padem/lampus olih sinalih tunggil lanange wiadin istrine, sane kantun punika kawastanin balu, utawi sangkanin

nyapian.

- h. Makrambian teges ipun : Jadma sane sampun marabian tur sampun maduwe oka.
- i. Pangantenan teges ipun : Jadma sane sampun marabian lan sampun mawidhi widana nanging durung maduwe oka.
- j. Laluputan teges ipun : Inggih krama sane nenten keni ayah miwah daging.
- k. Nyada teges ipun : Jadma sane sampun tua pisan (kirang langkung 70 warsa) sane tan mrasidayang ngarereh pangupa jiwa, tan dados ngayahin anak tiosan malih.
- l. Nguwubang teges ipun : Ngundulang jadma maguru muang meaji tunggal.
- m. Ngundulang teges ipun : Nguwuban anak sios aji, muang guru, muang nguwubang wong jaba kuta.
- n. Ungsen-ungsen teges ipun : Jadma jaba kuta ngumbara tios desa/jagat.
- o. Ngempi teges ipun : Inggih punika yening wenten pengantenan muang makerambian saking jaba kuta wiadin saking tunggalan krama kesah saking palekadan ipun nguni raris ipun madunungan, punika kawastanin ngempi.
- p. Tetanggungan teges ipun : Inggih yening wenten anak ngaraksa dunungan, ungsen-ungsen, pengempian, ngundulang, nguwubang, sang ngaraksa kawastanin tetanggungan.
- q. Ayah jangkep teges ipun : Ayah lanang istri.
- r. Balu paniri teges ipun : Krama marep salah sinunggil, lanange wiadin istrine lampus/padem makarang luwir macarik.
- s. Balu pangampel teges ipun : Krama ngampel salah sinunggil lanange wiadin istrine lampus/padem. Tan maduwe karang paumahan kadi ring arep.
- t. Nyeburin teges ipun : Inggih punika anak lanang sane kaanggehang pradana/istri/keambi (kawiwahang) olih wadon sane nguwubang ayah lingsir (purusa) sane lanang punika kawastanin nyeburin.
- u. Pangele teges ipun : Yening madruwe oka langkungan ring adiri, kekalih, tetiga selantur ipun sajeroning pangarep, durung marabian punika kawastanin pangele.

Pawos 6

Kawit dados Krama Desa :

- a. Sangkaning ngamong karang ayah Desa, tanah pecatu, tanah guna kaya.
- b. Mawiwit sakeng pawiwahan.
- c. Metu sakeng manah lila. ✖ ?

Pawos 7

Panamayan tedun makrama Desa/Banjar :

- a. Ngawarsa apisan, inggih punika ring nemu sasih kasanga sangkanin pawiwahan.
- b. Nganinin pasadok, sangkanin ngamong karang tur polih luput ayah masenger 6 sasih (ene sasih).

Pawos 8

Tategenan (ayah-ayahan miwah urunan).

- a. Ayah ngarep keni ayah lan padagingan jangkep.
- b. Ayah pangampel keni ayah jangkep, padagingan manut pararem.
- c. Ayah tapukan nenten keni ayah padagingan jangkep.
- d. Ayah tapukan pangampel nenten keni ayah, padagingan manut pararem.
- e. Ayah balu pengarep keni ayah asiki manut kabaluan ipun (padagingan jangkep).
- f. Ayah balu pangampel, keni ayah asiki, manut kabaluan ipun padagingan manut pararem.
- g. Ayah mopog : mantuk ring krama sane mekarya doh, ayah kagentosan antuk jinah nganutin pararem, padagingan sapatute.

Pawos 9

Krama Desa Kadadosang :

Mepuangkid teges ipun : inggih punika ngaluputin ayah-ayahan desa/banjar tan wenang katiw danda muang dosan.

Mapuangkid kadadosang ritakala :

- a. Mawangun umah/puri wawu nanggap karang, kengin mapuangkid 6 bulan ngawit pasadok.
- b. Yening mayadnya ngodalin mingkup lan padudusan agung sane maduwe karya dados mapuangkid Selami pesasur rahina, tur ipun kadadosan nunas ayah limang diri muang ayahe punika polih mapuangkid wantah pitung rahina ngawitin pasadok.
- c. Yening wenten krama mayadnya nyakapang pangantenan sane maduwe karya dados mapuangkid selami dasa rahina ngawitin pasadok.
- d. Yening wenten pamaksan mayadnya ngaturang tebasan guling bebangkit sane maduwe karya kadadosang mapuangkid selami arahina.
- e. Yening wenten krama mayadnya ngodalin ring pamerajan ipun sane maduwe karya dados mapuangkid selami arahina ngawitin pasadok.
- f. Yening wenten mayadnya ngotonin, mabayuh, nelu bulanin, sane maduwe karya dados mapuangkid selami arahina.
- g. Yening wenten krama sungkan kadadosang mapuangkid rauh kenak ngawitin pasadok.

h. Yening wenten krama cuntaka kadadosang mapuangkid selami tigang rahina.

Pawos 10

Wusan dados krama desa, luwire :

a. Sangkaning :

- 1) Pinunas ngeraga, manawi kesah kadura desa utawi ngalangkungin sagara.
- 2) Kanorayang, duaning sampun tan prasida ngesehin solah maprawerti setata lempas ring kecaping awig-awig.
- 3) Nilar Agama Hindu.

b. Sang wusan makrama :

- 1) Patut ngaturang karang druwen desa yening tan wenten waris.
- 2) Tan polih pah-pahan sangkaning padruwen desa/banjar.
- 3) Patut muputang sahananing utang-utangnya ring pakraman.

c. Sang kanorayang : parade mawali makrama malih patut,

- 1) Muntasang saluwirin utang-utang sane ngranayang kanorayang.
- 2) Nawur panyanggas kara, panyasap kaiwangan duaning nguak pasubayan pecak.

Pawos 11

(1) Yening madrebe oka asiki kasuen-suen yang sampun marabian patut irerama nguwubang mabanjar asiki, yening irerama sampun padem, wawu ipun ngentosin mabanjar.

(2) Yening madrebe oka langkungan ring adiri, sane marabian pinih riyin wenang nanggap ayah irerama kapungkur ipun yening sane siosan marabian penangga ayah irerama patut katimbang/kagentosin tur sane munggah ring arep, dados krama pangampel sajawaning punika okane lanang pinih duwur/alit patut marep nganutin dresta soang-soang.

(3) Yening wenten krama madrebe rabi langkungan ring adiri, patut oka rabine sane ambil ipun pinih riin nguwubang mabanjar asiki lanang utawi istri.

Pawos 12

Parindikan mobot tan sinangaskara.

a. Yening wenten anak balu/bajang mobot, patut kadanda nganutin pararem.

b. Yening wenten anak balu/bajang mobot nyantos ngemedalang rare, patut mapahayu jagat tur kadanda nganutin pararem.

c. Yening anake alit sampun mayusa tigang sasih, patut anake alit punika ka upakaranin sepatuta ring bale banjar kaupasaksiang olih manggala desa adat, tur prabia punika katangga olih sang ibu mangda tan kantun kawastanin bebinjat, patut wenten sane meras/kundul.

- d. Sane lanang sane ngangken maderbe bobotan punika taler kadanda nganutin pararem, nanging sane istri nenten kayun kaambil ipun patut kadanda nawurin sang lanang nganutin pararem.

Pawos 13

Anake balu lanang/istri.

- a. Yening wenten krama istri balu sane patut nyade ayah lingsir durung madruwe oka patut ipun ngangkat sentana sakeng purusa mawaneng tigang kasanga.
- b. Yening wenten krama lanang balu, sane patut nyade ayah lingsir nanging madruwe oka, yening okan ipune dereng mayusa 17 warsa kapatutan ayah tapukan.
- c. Yening wenten krama istri balu sane patut nyade ayah lingsir, durung madruwe oka tur ipun ngerorod ninggal kepatutan ayah lingsir punika, patut kakuwubang olih nyaman tugelan sakeng purusa, duwuran saking alit munggahang apangked.
- d. Yening wenten krama lanang balu, sane patut nyade ayah lingsir tur nenten madruwe oka, mawaneng yusan ipun 60 warsa kapatutan ngangkat sentana sakeng purusa mawaneng tigang kesangan, yening ipun mamurug ipun patut kené ayah jangkep lanang istri.
- e. Yening wenten krama balu pangampel lanang/istri tan madruwe oka dados ipun kaundulang olih kula warga purusa/pradana.

Pawos 14

Lanang/istri bajang tua

- a. Yening wenten krama lanang wiadin istri bajang tua sane makarang paumahan, yening sampun mayusa 60 warsa, kapatutang sampun ngidih sentana paperasang saking purusa, mawates tigang kesangan, yening ngalintangin wates ring ajeng, patut kené ayah jangkep (lanang istri).
- b. Parade sadereng ipun mayusa 60 warsa sampun ipun ngidih sentana paperasan, kasuen-suen ipun ngambil istri, tur ngamedalang putra, patut sentana paperasang sane dumunan kantun dados pengayah pengarep.

Pawos 15

Indik ngayah

- a. Ngentosan ayah patedunan tan kadadosang olih wong jaba kuta ritatkala :
- 1) Paparuman
 - 2) Pangabenan
 3. Pujawali ring kahyangan. Yan mamurug kadanda nganutin pararem.
- b. Ngentosin ayah patedunan kadadosang olih krama iriki yening sampun mayusa 17 warsa sejabang ing wenten piteges arah-arahan.

Pawos 16

Kakundulan :

- a. Yening krama nenten mrasidayang ngalaksanayang swadarman ipun makrama kadadosang kaundulang.
- b. Krama tan kadadosang ngundulang lintang ring adiri lanang utawi istri.
- c. Yening wenten krama ngundulang wong tios patut masadok ring manggala desa/kelian banjar.
- d. Sang kaundulan patut satinut ring sang ngundulang, yan mamurug patut kadanda nganutin pararem.

Pawos 17

Kakuwuban :

- a. Yening I Guru miwah I Aji seda patut sane ngayah ngarep nguwuban ipengele.
- b. Yening wenten sametone kesah ka jaba kuta kesuen-suen raris ipun budal patut kakuwubang olih sang ngayah ngarep.
- c. Yening matulak kasarengin olih somah ipun tan wenang sang marep nguwubang mapan ipun patut ngayah pangampel kepatutang ipun naur pananjung batu nganutin pararem.
- d. Yening pangampel balu luh utawi muani sane nenten maduwe oka patut kakuwubang olih panyade ayah pangarep.

Pawos 18

Ngaraksa padunungan :

- a. Krama desa/banjar sane ngaraksa wong jaba kuta patut atur supeksa ring kelian banjar, mawaneng tigang rahina, yening wenten paiketan ring yadnya. Yan tan wenten, patut mesadok ring manggala desa mawaneng arahina (24 jam) yan tan pesadok patut kadanda nganutin pararem.
- b. Parade wong jaba kuta sampun pangantenan utawi makrambian pacang jumenek ring sajeroning wewidangan Desa Adat Cemenggaon, sinanggeh tamyu, risampun mawaneng asasih sakeng atur supeksa ring prajuru banjar patut naur pananjung batu nganutin pararem.
- c. Prade wenten wong jaba kuta kadi ring arep tur sampun maduwe karang paumahan sangkaning paguna kaya risampun mawaneng asasih patut atur supeksa ring kelian banjar, patut naur pananjung batu tur tedun makrama desa, tinut ring tata krama ring Desa Adat, sajabaning tiosan Agama kapatutan mabanjar dinas.
- d. Wong jaba kuta kadi ring ajeng kajudi olih guru Wisesa, patut sasampune mawaneng asasih atur supeksa ring prajuru banjar naur pancung (sedana krama) nganutin pararem.

Palet 2 - pawangan
Indik Prajuru Adat
Pawos 19

Desa adat patut kaenterang olih Bendesa Adat :

- a. Banjar adat kaenterang olih Kelian Banjar.
- b. Tempekan kaenterang olih penyarikan tempekan.
- c. Sehanan warga desa adat sampun makrama, kapilih pinaka prajuru ring desa adat/banjar adat muah tempekan.

Pawos 20

Tingkahing nyudi prajuru :

- a. Nyudi prajuru desa/banjar pamargin ipun kadi ring sor :
 - 1) Wargi sane sampun makrama desa/banjar.
 - 2) Wargi sampun alaki rabi
 - 3) Weruh ring sastra
 - 4) Kasanggemin olih ikrama.
 - 5) Sengker ipun ngayah tigang warsa sajabaning wenten kapialang.
- b. Pangentos prajuru desa/banjar kacatri ring tempekan, kasahang ring desa utawi banjar.
- c. Prajuru patut maduluran antuk madewa saksi ring kahyangan desa/banjar.

Pawos 21

Panyanggan Bendesa luwire :

- a) Pangliman/Patajuh pinaka wakilnya.
- b) Panyarikan pinaka juru surat.
- c) Patengen pinaka juru raksa druwen jagat.
- d) Kasinoman pinaka juru arah.

Pawos 22

(1) Swadarmanning Bendesa Adat miwah Kelian Banjar Adat luwire :

- a. Ngenterang sadaging pamargin Awig-awig miwah pararem.
- b. Ngenterang pararem desa/banjar.
- c. Ngeraksa saha ngatur pamargin raja berana druwen desa/banjar.
- d. Ngenterang wewangunan druwen desa/banjar.
- e. Nuntun tur ngenterang krama rauhing warga desane ngulati kasukertan sekala-niskala.
- f. Nuntun saha nyaksinin tata cara miwah sangskaraning kauripane sane mabuat sane ngilitat

suiur pakula warga.

g. Nuntun saha ngenterang warga desa/banjar kesarengin para pemangku ngupadi nyinggihang Sanghyang Agama, kasucian kahyangan, pawongan, palemahan miwah tata caraning ngangge setra.

h. Mawosin kalih niwakin pamutus marep ring wicara warga desa/banjar nganutin pararem.

i. Maka dutha desa/banjar matemuang bawos ring sapesira ugi.

j. Mawosin sane siosan manut dresta.

(2) Swadarmaning penyarikan tempekan.

a. Ngenterang paruman tempekan.

b. Ngenterang pamargin sadaging Awig-awig miwah parareman desa/banjar lan tempekan suang- suang.

c. Ngaraksa saha ngatur tata cara ngangge seraja berana druwen tempekan.

d. Ngenterang wewangunang ring wawidangan tempekan nyane suang-suang.

e. Ngenterang upacara Agama/Adat ring wewidangan tempekan suang-suang minekadi :

1. Ritakala krama wenten kelayu sekaran.

2. Ritakala i krama wenten upacara Dewa Yadnya, Buta Yadnya, lan Pitra yadnya. ✓

(3) Prajuru Desa Adat, Banjar Adat miwah tempekan wenang mapaigum ritakala ngalaksanayang swadarmaning prajuru suang-suang antuk darma tatimbang tur kawehin ngambil pamutus (wicaksana manut pangunadika).

(4) Pamargin ring ajeng patut kasobyahang ring paruman desa/banjar utawi tempekan kapungkuripun.

(5) Iwang Panyarikan

Yening prajuru nenten ngamargiang swadarmaning prajuru makadi menggah ring ajeng patut kadanda nganutin pararem.

Pawos 23

Patias/olih-olihan prajuru desa adat/kelian adat makadi ring sor :

a. Luput pesuan-pesuan ring desa adat/banjar adat salami dados prajuru.

b. Luput ayah istri ritakala wali ring kayangan tiga utawi refainan jagat sane wenten pakilitanipun ring adat, wantah ayah lanang sane mucuk, mungguing ayah istri kagentosin antuk sinoman suci druwen desa utawi banjar, patut nedunang ayah istri, ngawit ngayah ngantos penyimpen. Pamargin puniki kaenterang antuk prajuru ngawit pakaryan.

c. Luput ayah ring desa lan banjar sasampune wusan dados prajuru selami awarsa.

d. Kawehin solasan ritakala muputang dedosan.

e. Bendesa adat kawehin pah-pahan pamupon sawah bukti ideran.

f. Kelian dinas kaicen wija antuk Guru Wisesa.

- g. Petias-tiosan manut pararem.
- h. Ritakala krama desa/banjar ngedum iprajuru ngamolihang duman duang bagi, pamargine puniki nganutin pamargin pakaryan, yening pakaryan desa wantah prajuru desa sane ngamolihang, yen ing pakaryan banjar wantah prajuru banjar sane ngamolihang.

Pawos 24

- (1) Prajuru/dulu desa utawi banjar kagentosin riantukan :
 - a. Sampun tutug sengker
 - b. Saantukan seda/padem.
 - c. Kanorayang antuk desa/banjar tempekan duaning tiwal ring Awig-awig.
 - d. Mawiwit sungkan nenten mrasidayang ngalanturang swadarman ipun dados prajuru.
- (2) Ngentosang prajuru sajeroning paruman tur kairngkupan antuk krama desa/banjar/tempekan.

Palet 3

Indik kulkul

Pawos 25

- a. Kulkul ring desa luire :
 - 1) Kulkul desa
 - 2) Kulkul banjar
 - 3) Kulkul tempekan
 - 4) Kulkul pantian
 - 5) Kulkul sekaa-sekaa.
- b. Tabuh tatepakan kulkul
 - 1) Kulkul desa
 - a. Ritakala pujawali Ida Batara ring Kahyangan wenang nyuarayang kulkul saha tatabuhan kulku bedil.
 - b. Kulkul alon yening paqang sangkep, parum, makarya, ikrama patut tedun daha gegambelan nganutin arah-arah. Yan nora sekadi ring arep kadanda nganutin pararem.
 - 2) Kulkul banjar
 - a. Kulkul nabuh alon nyandet maka cihne krama banjar adat ngamargiang yadnya taur agung panyepian pangerupakan masengker sajeroning pemargin upakara.
 - b. Kulkul nabuh alon maka cihne :
 - 1. Samua, makarya, paruman.
 - 2. Mataki-taki pacang ngendag, sawatara singit.
 - 3. Pangutangan.

Saha mabusana adat macya, saha magegambelan nginutin arah-arah. Yan nora kadi ring arep patut kadanda nganutin pararem.

3. uniki
- c. Kukul nabuh alon limang kelentungan (tung... tung... tung... tung... tung) maka cihna wenten krama ngembasang rare, tur krama inucap patut sadok ring mangala Desa/Kelian Adat.
 - d. Kukul nabuh alon enem kelentungan (tung... tung... tung... tung... tung... tung) maka cihne wenten krama ngarorod tur krama inucap patut masadok ring manggala Desa/Kelian Adat.
 - e. Kukul nabuh alon tigang kelentungan (tung.. tung... tung) maka cihna wenten krama seda/ kelayu sekaran, krama inucap patut tangkil ring jero mangku Dalem nunasang parindikan pamendeman lan patut masadok ring manggala Desa/Kelian Adat.
3. Kepanca bhayan
- a. Suaran kukul bulus tigang tulus maka cihna wenten maling, rampok, ngamuk krama banjar patut tedun saha sasikep.
 - an. b. Suaran kukul bulus duang tulus maka cihna wenten umah puun krama banjar patut tedun makta ember, gerojog muah sane siosan.
 - c. Suaran kukul bulus a tulus maka cihna matetabaan wiadin nyandak, krama patut tedun makta tali.
 - d. Suaran kukul alon tigang tulus maka cihna wenten linuh.

Pawos 26

- nan
- (1) Kukul desa utawi banjar tan wenang katepak yening nenten wenten pituduh saking prajuru desa utawi banjar. sajawaning tetengerang ke panca bayan.
 - (2) Sane patut nyuarayang kukul sapa sira ugi sane ngamangguhin ke panca bayan nyumuning nyuarayang kukul sane pinih tampek ring genah panca baya, inggih punika sekaa, papantian, tempekan banjar utawi desa.
 - (3) Sajeroning indike ring arep tan wenang nyuarayang kukul, yan mamurug patut mamayuh kukul, masarana tumpeng adanan maayam putih siungan mapanggang tur kadanda nganutin pararem.

Palet 4

Indik Paruman

Pawos 27

- gung
- (1) Luir sangkepan/paruman :
 - a. Sangkepan, paruman desa adat
 - b. Sangkepan, paruman banjar
 - c. Sangkepan, paruman tempekan.
 - (2) Sangkepan, paruman kawentenang :

- a. Sangkepan desa kawentenang nemu Anggara kliwon/Anggara kasih.
 - b. Paruman/parareman kawentenang nap kala nganutin kawigunania.
- (3) Sangkepan lan paruman banjar kawentenang :
- a. Sangkepang, banjar kawentenang ring rahina nemu saniscara keliwon/tumpek.
 - b. Paruman/parareman kawentenang nap kala nganutin wiguna.
 - c. Sangkepang/paruman tempekan kawentenang :
 - 1) Sangkepang, tempekan kawentenang ritatkala buda manis.
 - 2) Paruman tempekan kewentenang nap kala nganutin kawigunania.

Pawos 28

tata Titining Sangkepan, Paruman.

- a. Sadurunge kawentenang sangkepan, paruman patut keriyining antuk :
 - 1) Arah-arahan olih kasinoman arah.
 - 2) Ring sajeroning arah-arah pinih becik rauhing taler acara sane pacang kabaosang.
 - 3) Tan maren ngarcana ring Ida Bhagawan Penyarikan makaserana canang pengeraos lan cane.
- b. Sangkepan utawi paruman dados kalaksanayang ritatkala semeng, sore, wengi, Ida dane krama mangda rauh apah empah penalikan kirang langkung (15 menit) sadurung pasangkepan kakawitin.
- c. Saluwiring sangkepang utawi paruman wawu sida kakawitin yening sampun kramane ngarahin sawetara ngalintangin ring apah kalih.
- d. Laluputan kapatutan ngawiletin sangkepan.
- e. Sapasira sane pacang ngawiletin sangkepan, paruman kapatutan mabusana adat madya.
- f. Ritatkala sangkepan, paruman tan kengin makta sanjata wiadin makta kakaryan sakeluwirnia, wenang kadanda manutin pararem.
- g. Mangda sangkepan, paruman punika trepti patut kautsahayang genah wiadin linggih prajurune, Ida dane manut ring genah suang-suang. I prajuru melinggih magaleng kaja/kangin.
- h. Ritatkala mebebawosan tan kapatutang saling saurin sajeroning ikrama tur tan kapatutan mabaos tan nganutin tata susila, ngametuang ara gora, biyuta; sane mamurug patut keni pamidanda nganutin pararem.
- i. Ritatkala tedun pesangkepan tan kapatutan kagentosan antuk wong dura desa, okan nyane sane durung alaki rabi miwah sane durung mayusa 17 warsa sejabaning utusang saking guru wisesa.
- j. Ritatkala sangkep, parum, samua, krama nenten kadadosang malinggih ring ungkur prajuru, yening mamurug pacang kadanda nganutin pararem.
- k. Jero mangku kahyangan tiga kapatutang tedun ring pasangkepan utawi paruman nganutin kawi gunannia.

Pawos 29

- (1) Sahanan pamutus bawos sane pacang kaambil mangda kautsahayang pisan malarapan antuk paingkupan sareng sami (beriyuk siyu sepanggul, gilik saguluk bilih tan prasida nganemuang pamutus, dados sane makehang kaajegang).
- (2) Pamutus sahanang rancangan bilih-bilih rencana sane pacang niwakin tategenan ring ikrama, tan patut kalaksanayang sadurung kapikukuh antuk paruman/sangkepan.
- (3) Sahanang pamutus bebaosan, sane sampun kasanggemin ring paruman/ sangkepan patut kasurat ring buku pakeling, pinaka pamitegep daging Awig-awig.
- (4) Sahanan pamutus, bebaosan sane sampun kasurat ring buku pakeling patut kawacen malih risedek ngawit paruman/sangkepan jagi rauh.

Palet 5 - *palemala*

Indik Druwen Desa

Pawos 30

- (1) Padruwen desa adat Cemenggaon sekadi ring sor :

a. Kahyangan desa luwire :

- 1) Kahyangan Tiga (Pura Puseh, Pura Desa, Pura Dalem).
- 2) Pura Penataran.
- 3) Pura Melanting
- 4) Pura Prajapati

b. Bale wantilan

c. Tanah sawah/laba Pura manut ilikita.

d. Tanah tegalan manut ilikita.

e. Tanah ayahan desa/tanah pakarangan.

f. Tanah setra.

g. Gong gede barungan.

h. Mekudang margi Agung.

- (2) Padruwen banjaradat Cemenggaon minakadi :

a. Bale wantilan genah pasangkepan.

b. Bale kulkul.

Pawos 31

- Piolihi-olihi desa adat Cemenggaon luwire :

a. Piolihi-olihi sakeng pelaba pura.

b. Urunan krama desa.

- c. Paica sakeng guru Wisesa
- d. Paica sane tiosan, sane patut.
- e. Utsaha-utsaha sane patut.
- f. Punia sakeng krama.

Pawos 32

- (1) Prajuru desa wenang ngetangang pamupon laba pura lan sapanunggalan padruwen desa.
- (2) Pikolih lan pamuponnya kaanggen prabya piodalan saha wewangunan ring desa/banjar.
- (3) Nyabran sangkepan ring desa, prajuru, pengamong, druwen desa patut nguningayang, indikan unjuk langsung padruwen desa.
- (4) Saka luwirin druwen desa patut wenten ilikittanya.
- (5) Tan kalugra ngadol utawi ngesahang padruwen desa, yan tan kasungkemin olih krama desa ring paruman.

Palet 6 *palmala*

Sukerta Pamitegep

Kaping 1

Karang, Tegal Lan Carik

Pawos 33

- (1) Sane kabawos karang desa : karang sane kaayahang olih krama desa/banjar.
- (2) Krama desa/banjar sane magenah ring karang guna kaya tur sampun ngayah ngarep ngampel, karang inucap patut tan wenang katanggap olih desa/banjar. Taler, karang inucap patut kawates in antuk tembok wiadin pagehan.
- (3) Wates karang desa/banjar utawi karang guna kaya patut magegaleng kangin miwah kaler, mewasta magegaleng kadulu/kaluan.
- (4) Sajawaning tanah pecatu, tegal, carik utawi tanah padruweyan ngraga, wates sane patut kapiara wates magegaleng keteben, manut dresta.
- (5) Prade karasayang pagehan/turus inucap ngelikadin, yan pada arsa panyandingnya, dados wates nganggen pinget, kewanten kasaksinin antuk prajuru desa/banjar utawi prachina pal saking sang ngawewenang.
- (6) Prade wenten karang krama desa/banjar kabeng/embet mangda kausahayang wenten pamar ginia manut paiguman. Tur patut kabaosin ring paruman.

Kar:

Ting

matu

a. Ye

du

b. Ya

ng

g

c. Ya

kac

nga

d. Ka

pak

e. Tar

nga

f. Sin:

1) N

2) N

g. Para

saha

Tingk:

a. Nan

b. Pepa

c. Sane

d. Pepa

mang

1) Ya

2) Ya

3) Ye

4) We

Pawos 34

Karang Cacuputan :

Tingkahing cacuputan inggih punika karang desa sane nenten wenten ngayahin, nanging kantun matungkakan sawa.

a. Yening wenten tingkah kadi ring arep patut kasobyahang ring krama desa riyin, ngalanturang ring dura desa mawaneng kalih sasih.

b. Yan sampun ngalintangin sengker, krama desa pangampel kautamayang, sane gumanti purun ngayahin karange punika taler patut mapranawang sawa inucap tur nawur sedana krama pamar ginne punika kabaosang ring parareman.

c. Yan sampun wenten nyelosin karang cacuputan punika tur sampun kewehin antuk krama desa tan kadadosan malih krama siyosan malih ngaranjing ring genah inucap, yan mamurug patut kadanda nganutin parareman.

d. Karang ayahan desa tan dados : adol, kasuratin dados duwe newek/kasertipikatin, wala utang, pakidihang ring wong dura desa, yan mamurug patut kadanda manut parareman.

e. Tanah ayahan desa yan kakontrakan patut masadok ring manggala desa tur keni sedana krama nganutin daging peparuman.

f. Sinalih tunggil krama desa/banjar nenten kalugra :

1) Ngalah-alah margi, tegal, karang desa, karang guna kaya, lan salantur ipun.

2) Ngalah-alah tanah linggih kahyangan, setra lan sakanean linggih sinanggeh suci.

g. Parade wenten sakadi ring ajeng (f) sang sane ngalah-alahan wenang ngawaliang tanah inucap saha keni pamidanda nganutin pararem.

Kaping 2

Pepayonan

Pawos 35

Tingkahing pepayonan masanding karang paumahan

a. Nandur pepayonan sakirangnya kalih meter katengah.

b. Pepayonan tan dados tegahnya ngalangkungin sawetara amolas (15) meter.

c. Sane kababatan kadadosan ngamatutan angkian ipun manut daging pararem.

d. Pepayonan sinanggeh pacang ngametuang baya tur sampun kasadokang ping tiga kasaksiang olih manggala desa, yang mamurug kapatutan kadi ring sor :

1) Yan ngantos manusa padem prabiya ngabenan kantos puput sapatute.

2) Yan ngantos manusa metu sakit, cacad, nanggung prabia sapatuta.

3) Yen ngantos ngerusak wewangunan patut maprabeya upakara, masilihan sapatuta.

4) Wewalungan lan pepayonan patut nawur prabiya upakara taler prabiya pangentos.

- 5) Pepayonan tan dados ngaliwatin karang wong siyosan patut keni sepat gantung, yan mamurug patut kapelotor antuk sang kababatan.
- e. Krama desa patut nyanggra kawerdian tanem tuwuh sane ngawinan desane asri.

Kaping 3

Wewangunan

Pawos 36

Wewangunan masanding karang paumahan

- a. Tan dados ngawangun ngaliwatin tembok panyengker.
- b. Pakarangan patut megaleng/maulu kaler kangin, yen mewangun patut sane madruwe karange badauhan wiadin badelodan ngawiwenang sajawane sami pada anut sadulur, patut masadok ring manggala desa saha lokita, yan mamurug kapatutan ring parareman.

Kaping 4

Wewalungan

Pawos 37

- (1) Saluwiring ngubuh wewalungan tan dados ngelumbar patut kakaryaning bada, yan mamurug patut kadanda nganutin pararem.
- (2) Krama desa sapa sira ugi tan kadadosang ngamademang paksi, nuba ulam miwah sarwa prani lan siyosan, sejabaning merana yan wenten malaksana sekadi ring ajeng keni pamidanda manut pararem, tur kaaturang ring guru Wisesa.
- (3) Saluwiring ngubuh unen-unen makadi asu kautsahayang mategul.
- (4) Tan dados nuba wewalungan utawi ulam miwah sane tiyosan.
- (5) Tan dados wewalungan ngeranjing kegenah suci.

Kaping 5

Bhaya

Pawos 38

Bhaya teges ipun tingkahing jadm sane nenten nganutin kasusilan kalih sane ngametuang bhaya luwire :

- a. Yan wenten krama magocoh/majaguran sajeroning pura patut maprascita macaru tur kadanda nganutin parareman.
- b. Yan wenten krama magocoh/majaguran ring jaba pura nanging kantun wewidangan jagat Cemenggaon patut maperascita tur kadanda nganutin parareman.
- c. Yan wenten wong dura desa magocoh/majaguran malaksane hara gora patut maperascita tur kadanda

nganutin pararem.

- d. Yan wenten krama sane malaksana magocoh/majaguran malaksana hara gora ring dura desa patut kadanda nganutin pararem.
- e. Yan wenten krama malaksana mamunyah ngantos ngametuang hara gora patut kadanda nganutin pararem.
- f. Yan wenten sinalih tunggil krama makta/ngaraksa inggih punika marupa tamba sane nenten kada dosan saking guru Wisesa luih ipun, Morfin, Exstasi, lan sane siyosan patut kadanda nganutin pararem, tur kasukserah ring guru Wisesa.
- g. Yan wenten krama ngaraksa wong lanang/wadon tuna susila patut kadanda nganutin pararem.
- h. Yan wenten krama nyolong semara, ngerabinin wong arabi patut kadanda nganutin pararem.
- i. Yan wenten krama misunang krama patut kadanda nganutin pararem.

Kaping 6

Panyanggran Banjar/Desa

Pawos 39

Krama desa/banjar rikala ngawentenang karya suka duka patut kasanggra desa/banjar nganutin yadnya luwire :

- a. Dewa yadnya :
 - 1) Wali ring kahyangan jagat patut kasanggra antuk desa/banjar
 - 2) Wali ring panti kasanggra olih pemaksan.
 - 3) Wali ring pelinggih, tempekan kasanggra olih tempekan.
 - 4) Wali ulun suwi kasanggra olih desa/subak
 - 5) Wali ring mrajan suang-suang kasanggra olih desa/banjar manut kadi pinunas sang maduwe karya.
- b. Rsi yadnya :

Kasanggra olih krama desa/banjar manut pararem.
- c. Manusa yadnya :

Kasanggra olih krama desa/banjar manut kadi pinunas sane maduwe karya.
- d. Pitra yadnya :
 - 1) Kelayu sekaran/seda/padem kasanggra olih tempekan
 - 2) Atiwa-tiwa/ngaben kasanggra olih desa/banjar manut sekadi pinunas sang maduwe karya.
- e. Buta yadnya :
 - 1) Tawur sasih kalima kasanggra olih krama desa/banjar nganutin pararem (kamargiang ring rahi na kajeng keliwon wusan wali ring pura desa).
 - 2) Tawur kasanga kasanggra olih krama desa/banjar nganutin pararem.

SARGA IV
SUKERTA TATA AGAMA

Palet I

Indik Dewa Yadnya

Pawos 40

(1) Palinggih penyiwian sawewidangan desa adat/banjar Cemenggaon luwire :

a. Kahyangan tiga : Pura Desa, Puseh, Dalem lan Perajapati.

b. Pura Nataran.

c. Pura Melanting

d. Sesuwunan Ida Batara Ratu Widya Dari

e. Pura panti luwiripun :

Pura Purnama, Pura Batur, Pura luhur, Pura Jenengan Mas Pait, Pura Dalem Tarukan, Pura Pande Bang, Pura Samuan Tiga, Pura Batur Sari.

f. Pura Mancan Kemancan :

Pura Selir, Pura Madya, Pura Buda Kliwon, Pura Mas Pait, Pura Batur Aji.

(2) Rahina piodalan soang-soang kahyangan inucap kadi ring sor :

a. Ring kahyangan tiga :

1) Luhurin akasa, Pura Desa, Puseh, Nataran, Hyang Basakih, rikala Purnamaning sasih kap at.

2) Pura dalem lan Praja Pati rikala Purnamaning sasih kapitu.

b. Ring pura Melanting rikala buda wage kelau.

c. Ring sesuwunan Ratu Widya Dari rikala Saniscara Kliwon Wayang (tumpek wayang).

d. Ring Pura Pepantian :

1) Pura Purnama rikala Purnamaning Sasih Kasa.

2) Pura Batur rikala Tilem Sasih Kadasa.

3) Pura Luhur rikala Sukra Paing Dunggulan (Paing Galungan).

4) Pura Jenengan Mas Pait rikala Saniscara Kliwon Kuningan.

5) Pura Dalem Tarukan rikala Buda Wage Menail

6) Pura Pande Bang rikala Purnamaning Sasih Kalima.

7) Pura Samuan Tiga rikala Anggara Kliwon Perang Bakat.

8) Pura Batur Sari rikala Anggara Kliwon Julungwangi.

e. Ring pura manca kemancan :

1) Pura Selir rikala Anggara Kliwon Medangsia

2) Pura Madya rikala Buda Wage Kelau

3) Pura Buda Kliwon rikala Buda Kliwon Sinta.

(3)

(4)

(1) F

I

(2) S

s

a

b

c

d

(3) S:

a.

b.

c.

d.

e.

(4) Pe

a.

b.

Petias

a. Pc

b. Pc

- 4) Pura Mas Pait rikala Buda Kliwon Paang.
- 5) Pura Batur Aji rikala Buda Kliwon Paang.
- (3) Pengaci ring pura inucap manut kocap sastra Agama saha kalaksanayang alit madia utawi manut kawentenan lan pararem.
- (4) Pengempon soang-soang pura manut dresta kadi ring sor :
 - a. Pura Kahyangan Tiga, Nataran, Melanting, Sesuwunan Ida Betara Ratu Widya Dari keempon antuk krama desa adat/banjar Cemenggaon.
 - b. Pura Panti Keempon antuk pemaksan.
 - c. Pura Manca Kemancan keempon antuk pemaksan.

Pawos 41

- (1) Ring soang-soang Pura Penyiwian inucap kaadegang pemangku, pemangkunye lanang/istri sane patut ngamargiang/nuntun sahanan yadnya utawi pangastawan ring pura inucap.
- (2) Sane patut kasudi dados pemangku utawi adegang pemangku nganutin dudonan sekadi ring sor :
 - a. Mawiwit saking katurunan pemangku utawi ngawaris.
 - b. Nyanjaan utawi masembuh, nunas warenugraha paswecan Ida Batara ring pura.
 - c. Mapinunas maserana ring balian sonteng pamargine nyatur desa.
 - d. Kacatri utawi kasudi maserana antuk pipil tur kaastawang olih pandita sakewanten nenten cuntaka.
- (3) Sane tan wenang kaadegang pemangku :
 - a. Wong cedangga : peceng, perot, lan sapenunggilan.
 - b. Wong amumpang laku.
 - c. Wong sane tan kapatutang manut pararem.
 - d. Sungkanile : ayan, buduh, wiadin edan.
 - e. Nganut istri lanangan
- (4) Perabea kapemangkuan
 - a. Adiksawidi (ngawinterih) kalaksanayang olih krama desa/pengempon soang-soang.
 - b. Mapitra yadnya riwekas kasungkemang olih krama desa/pengempon panyanggrane manut pararem.

Pawos 42

Petias utawi olih-olihe pemangku kahyangan tiga/jagat luwire:

- a. Polih sesari ring among-amongan pelinggih ✓
- b. Polih penebus sesari manut ring pararem.

- c. Polih luput manuk desa/banjar.
- d. Polih upon-upon pelabe carik. ✓
- e. Polih sesari penebus mamitan sangyang atma katur ring mangku dalem nganutin pararem.
- f. Patias siosan manutin pararem.

Pawos 43

Petias utawi olih-olih pemangku manca polih luput pesuan-pesuan ritatkala wali ring kahyangan tiga/jagat petias siosan manut pararem.

Pawos 44

Penyade pemangku :

Dane mangku kahyangan tiga kedadosan ngawintenan sari ring okane, mangda dados nyarengin dane ngaturan ayah tur kesanggra antuk krama desa.

Pawos 45

(1) Pemangku kagentosin riantukan :

- a. Seda
- b. Pinunas ngeraga manawi kageringan lan sapenunggilanipun.
- c. Kewusan antuk krama, sangkaning malaksana sane tan patut (asta dusta) muang sane siosang.
- d. Penyade dados ngentosin pemangku nganutin pararem.

(2) Parade Pemangku kawusang sangkaning malaksana tan patut keni pamidanda nganutin pararem.

Pawos 46

Kasukertan Kahyangan :

- a. Krama desa lan warga sami patut nureksain nyaga mangda kasukerta kalih kasucian kahyangan desane prasida ajeg.
- b. Sane tan kalugra ngeranjing kapura luwire :
 - 1. Sang katiben cuntaka.
 - 2. Jadma sane kapianggeh patite (panak Bebinjat, anak beling tan wenten anak ngangkenin tur durung sinanggas kara)
 - 3. Sato ageng, sajawaning pacang anggen nyadnya.
 - 4. Mabusana sane tan patut manut tata susila caraning ngeranjing ka pura, sajawaning sampun polih uwak-uwakang saking prajuru adat.
 - 5. Makta barang sane sinanggah leteh manut agama.

Pratingkah utawi pelaksana sane tan kawenangan ring pura :

1. Masumpah (nahap cor) sawawaning pituduh prajuru.
 2. Majajal, mayuda, napi malih ngantos ngametuang rah, kabawos ngaletihin.
 3. Makobetan, masenengan, makolem dados asiki lanang istri sane sampun tutug tuwuh.
 4. Makoratan utawi mawarih.
 5. Nyangsangan (ngantungan) busana.
 6. Menehin kamen (wastra).
 7. Menehin pusungan/saantukan punika rikala majejaitan patut ngelung busung macongger lidi.
 8. Macecepin rare.
 9. Mungah tedun pelinggih, sawawaning pituduh prajuru.
 10. Miwah sane lian-lianan sane tan patut kelaksanayang ring pura.
- Sang mamurug kadi kecaping ring ajeng keni pamidanda lan pamerascita sapatutnye.

Pawos 47

- 1) Ritakala wenten wong karawuhan ring pura kengin kapintonin masarana antuk pahang nyuh gading matunjel prade rumasa sumanang saya yan tan wiakti wong inucap karawuhang patut kadanda manut pararem.
- 2) Prade kahyangan kahanan durmanggala minekadi kapancabaya, pemangku utawi sang manggi hing patut digelis nyadokan ring prajuru mangda marumang krama desa tur ngawentenang pam rascita sapatutnye.

Palet 2

Indik Resi Yadnya

Pawos 48

1. Sang Pacang Madeg pandita utawi pinandita makadi balian sonteng, kubayan, dalang, sakeluirin sane jagi ngenterang yadnya patut masadok ring prajuru desa kalih ring Parisada Hindu Dharma Indonesia.
2. Prajuru desa patut ngawas nitenin tur wenang ngalangin wiadin ngandeg, prada wenten kacihnan sasar kekecap miwah drestane, Tur sareng nyaksinin upakara saha nyiarang ring paruman desa tegep rauhing wates kewenangannya muput yadnya.

Palet 3

Indik Pitra Yadnya

Pawos 49

Pamargin Pitra Yadnya madudonan manut sakadi ring sor :

a. Pengupakara ring kelayu sekaran / atiwa-tiwa.

Kelayu Sekaran : Jadma sane sampun padem.

1) Kapendem.

Yening wenten krama sane kelayu sekaran kadadosan mamendem yening sampun manut sekadi dresta.

2) Yening wenten krama sane kelayu sekaran, sira ugi tan wenang mendem ritatkala : semut sadulur, kala gotongan, purnama, tilem, purwani, Buda Kliwon, Tumpek, Buda Cemeng, Anggar Kasih, saniscara Watugunung, radite sinta, Waraspati Sungsang, Soma Sinta, pasah, miwah yan sampun nyambut karya piodalan ring kahyangan tiga, miwah ngajangin sawa, mamegat nyambung miwah yan durung Ida Batara Kahyangan Tiga masineb, patut makingsan madaging bungbung, yan mamurug kenit pebayuh jagat, sapututing upakara tur patut kadanda nganutin parareman.

b. Makingsan di Geni.

1) Yening wenten pemangku manca lebar sakirangnya makingsan di geni (yening mrasidayang kapelebon taler dados). Yening kapelebonan, krama desa adate patut mapunia kabaosan ring parareman/upakarane tunasang ring Pemangku.

2) Yening wenten krama padem sesampune janten pacang ngaben sadurung dewasa pangutangan, kadadosan makingsan ring geni, nanging wantah maupakara tingkahing wong wawu padem, tur patut kaupakarayang/kaabenan ritatkala pangutangan inucap yan mamurug patut kadanda nganutin parareman.

Pawos 50

Ritatkala Ida Batara Ratu Widya dari medal matapakan tan kadadosan nyuarayang kulkul ritatkala kelayu sekaran.

a. Yening wenten krama desa adat Cemenggaon wiadin ipun meneng ring dura desa nanging ipun maagama Hindu kadadosang mamendem ring setra adate iriki, nanging patut nawur pananjung batu nganutin parareman, tur mangda wenten semeton ipun sane nange.

b. Yening wenten wargi sane nenten maagama Hindu nanging sampun mabanjar dinas ipun nenten kadadosan mamendem ring setra desa adate iriki.

c. Jejumputan kelayu sekaran tan penyama : inggih yening wenten anak nyumput tanpa nyama ritatkala kelayu sekaran patut ikrama banjar ngupakara sepatutin mapendem. Yan tan kadi ring

arep wenang iprajuru kadanda manut ring pararem.

Pawos 51

PADEM SALAH PATI, ULAH PATI, PADEM PATUT

- a. Padem salah pati minekadi : tabrak motor, ulung, keni racun, minakadi sane siyosan sane tan nekeng hati.
- b. Padem ngulah pati minakadi : nuwek raga, nuba raga, ngantung raga, ngentungan raga, muah sane siyosan sane nekeng hati.
- c. Padem kadi ring arep, kadadosan bakta budal kemawon patut wenten pangulapan taler pamayuh sapatute ring paumahan taler ring setra.

Pawos 52

Atiwa-tiwa : upakara pengabenan.

TINGKAHING PALEBON JERO MANGKU KAHYANGAN TIGA.

Yening wenten jero mangku kahyangan tiga lebar kapatutan digelis kapelebonan kadi tingkahing upakara sapatutnya pakaryane rawuh padagingannya kasangra olih krama desa adat nganutin punia naka paweweh patus banjar tur kabawosang ring parareman.

Pawos 53

Suwadarmaning lan tategenan, prade wenten sinalih tunggil krama kalayu sekaran :

1. Sang kaduhkitan patut :
 - 1) Nyadokang ring jero mangku dalem utawi kelihan banjar tur nunas tetimbangan ring kawentenannya.
 - 2) Ngaturin banjar (pemarginé nempek) ngerombo mekarya eteh-ete sawa tur ngateh ke setra.
 2. Swadarmaning banjar/desa.
 - 1) Kelihan banjar maritatas pamargin sang kaduhkitan napike pacang kapendem, makingsan riyin, utawi lantur kaabenan.
 - 2) Parade kapendem raris kawentenang suaran kulkul petahu.
 - 3) Penyanggran banjar selanturnya :
 - a. Suang-suang krama banjar (ngamargiang nempek).
 - b. Ngerombo ngaryanin eteh-ete sawa sane kasarengin antuk krama sane rauh.
 - c. Krama banjar (ngamargiang nempek) sami ngater ke setra jantos pamendeman puput.
- Tan kengin ngelelet langkungan ring 5 rahina sawawaning ngantos sameton doh tur sawa inucap kawewehin antuk tamba pormalin yening mamurug kadanda manut pararem.
- Tan kalugra nginepan bangbang.

- e. Perade wenten kalayu sekaran rikala piodalan ring kahyangan kengin mendem makingsan, memargi wengi (sesiliban).
- f. Tan kalugra mendem sawa istri sane kantun ngadut manik, patut kaoperasi riyin, yening kaluargan ipun sayuakti tan mrasidayang, patut masadok ring manggala desa tur ikrama desa patut madana punia.
- g. Tan kalugra nyuarayang kulkul kelayu sekaran salami Ida Batara Ratu Widya Dari medal matampakan. Yening mamurug kadi ring arep kadanda manut parareman.
- h. Tan kalugra mersihin/mecikang gegumuk taneman, yan tan wenten ngaben lan mamendem, yan mamurug patut kadanda nganutin pararem.

Pawos 54

(1) Sane kasinanggeh kacuntakaan sekadi ring sor :

(3)

- a. Cuntaka antuk kalayu sekaran
- b. Cuntaka antuk ngeraja suala.
- c. Cuntaka antuk ngembasang putra.
- d. Cuntaka antuk keruron.
- e. Cuntaka antuk pawiwahan.
- f. Cuntaka antuk ila, buduh.
- g. Cuntaka antuk gamia gamana.
- h. Cuntaka antuk salah timpal.
- i. Cuntaka antuk yening wenten anak istri mobot nenten kaupakarang pabiyu kawonan tur pawidi widana.
- j. Cuntaka antuk mamitra ngalang.
- k. Cuntaka antuk yening wenten anak istri ngawentenang putra sadurunge maupakara pabiyakawon tur mawidi-widanan.
- l. Cuntaka antuk sadtatayi.

(4)

(2) Sengker cuntaka manut kawentenania :

- a. Cuntaka kelayu sekaran, cuntaka nia kesaihan manut sekadi loka dresta miwah sastra dresta desa adat soang-soang.
- b. Cuntaka ngeraja suwala, tigang rahina ngawit saking ngeraja suala utawi selamining ngaraja suala.
- c. Cuntaka ngembasan putra, 42 rahina (abulan pitung dina) ngawit saking putra embas, utawi ngartos sampun kaupakara mekekambuhan tur meperascita manut sekadi agama lanang wiadin istri.
- d. Cuntaka keruron, cuntaka nia abulan pitung dina (42 rahina) tur sampun matirta pamerascita.

- e. Cuntaka pawiwahan, cuntakanya ngantos sesampune matirta pabiyu kawonan.
- f. Cuntaka gamia gamana cuntaka nia ngantos sesampune kapalasang/mesepihan tur sampun kawentenang pamerascita raga tur sampun kawentenang pamerascita desa adat/kahyangan.
- g. Cuntaka salah timpal, kepuputang memahayu jagat mamerascitayang raga ring bale agung.
- h. Cuntaka anak istri mobot nenten kawentenang upakara pabiyu kawonan cuntaka nia ngantos kawentenang upakara pabiyu kawonan.
- i. Cuntaka mamitra ngalang cuntaka nia ngantos kawentenang upakara pabiye kawonan.
- j. Ngembas putra nenten kawentenang upakara pawidi-widian, cuntaka nia ngantos wenten sane mameras sang putra, tur sampun kawentenang upakara sekadi ring ajaran agama Hindu.
- k. Cuntaka sadtatayi, cuntaka nia ngantos sampun maperascita raga tur nenten dados ngamunggahan upakara paduwi jatian.

(3) Cuntaka kelayu sekaran / padem.

a. Kependem cuntaka nia :

1. Cuntaka / sebel kabanjar rauhing 3 rahina riwusan mendem utawi sesampun polih prayascita (masapuh).
2. Keluarga nia sajeroning pakarangan nganutin dresta.

b. Ngaben cuntaka nia :

Sang nyambut karya pitra yadnya cuntakania ngawit saking nyambut karya rauh riwus yadnya nia (mapegat).

(4) Sane katiba cuntaka :

a. Kelayu sekaran sane kacuntaka :

1. Sang sane maduwe kalayu sekaran.
2. Kaula wargania.
3. Bebanjaran.

b. Ngeraja suala sane kacuntaka :

- Sang sane ngeraja suala.

c. Ngembas putra sane kacuntaka :

- Keluarga nia sane ngembasang putra lanang wiadin istri.

d. Pawiwahan sane kacuntaka :

- Sang sane kaupacara pawiwahan lanang wiadin istri.

e. Keruron sane kacuntaka :

- Keluarga nia lanang wiadin istri.

f. Gamia gamana sane kacuntaka :

1. Sang sane ngelaksanayang gamia gamana.
2. Desa adat nyane.

- h. Anak istri mobot nenten kawntenang upacara pabiyu kawonang sane kacuntaka :
 - Sane meraga istri (sane mobot).
- i. Mamitra ngalang sane kacuntaka :
 - Sang ngalaksanayang mamitra ngalang punika.
- j. Ngembas putra nenten kawntenang upakara pabiyu kawon miwah upakara mawidi-widana sane kacuntaka :
 1. Sang sane ngembas putra.
 2. Putra sane embas.
- k. Yening mamurug sekadi ring ajeng kadanda nganutin pararem.
- (5) Tan keneng cuntaka luwire :
 1. Mangku Kahyangan.
 2. Rikala sampun nanceb nyanggra karya piodalan.

Pawos 55

- (1) Atiwa-tiwa (pangabenan) kalaksanayang antuk :
 a. Nyawa Rsi.
 b. Sawa Preteka
 c. Swasta.
- (2) Panemayan pangabenan :
 a. Ngaben dadakan / bah bangun wantah kadadosan jero mangku kahyangan.
 b. Ngaben ngemasa tigang warsa apisan :
 1) Dewasa ngewangun sawa papendeman patut ngatigang warsa yan tan wenten ring sengker inucap, kadadosang awarsa sane pacang rawuh asapunika selantur ipun.
 2) Yening wali ring kahyangan tiga kepatutuang 55 rahina sadurung wali sampun puput pula parining upakara inucap.
 3) Yening wenten krama padem mawaneng sadurung pitung rahina sadurung pengutangan taler polih pah-pahan patus sepatute, yening padem sesampun pitung rahina dados ngaben nanging nenten pilih pah-pahan patus.
 4) Yening wenten krama ngaben, nganutin dewasa janten pacang ngaben yadiastun newek taler polih patus sepatute, sajeroning sadurung pitung rahina, wenten krama padem taler ipun pacang ngaben, ipun patut polih pah-pahan sepatute nanging sesampun pitung rahina ipun nenten polih pah-pahan kadi ring arep.
- (3) Dudonan pangabenan/atiwa-tiwa :
 a. Ngendag / ngagah :
 1) Ngendag sawa patut kalaksanayang tigang rahina sadurung pangutangan ritatkala singit

TI
a.

b.

c.

(1)

(2)

IW/
Ida
ta, y

NG.

a. K

P

n.

b. K

d.

(kirang langkung jam 13.00) saha nganutin suaran kulkul.

- 2) Ngagah galih sawa patut ring pangutangane semen yadiastun ngaben ring setra wiadin ring kumpulan utawi ngeraga.
- b. Upadesa / ngaskara / pabersihan.
 - c. Pengutangan.
 - d. Pengiriman.

Pawos 56

TINGKAHE NEDUNANG SAWA RING PANGUTANGAN :

- a. Ritatkala nedunan / mungghahan sawa sane patut mungghah sane madrebe karya nanging kasak siang antuk manggala desa / banjar.
- b. Yening jero mangku kahyangan lebar sane dados mungghah sane madrebe karya kasarengin antuk manggala desa/banjar.
- c. Ritatkala lunga ka setra sane pinih riin sane memargi makumpul ring tempekan Tangluk Mas, Tempekan Cakra, kaping untat tempekan Manggaling.

Pawos 57

(1) Peputusan pengabenan.

Ida dane krama sami patut pesu patus sane pacang kapica ring sangawangun karya pangabenan. Ageng alit patus punika, kabawosan ring pararem.

(2) Pengingune ring krama banjar ngawit ngayah anut abot dangan kawentenan karya.

Pawos 58

IWANG PELAKSANA RING PENGABENAN

Ida dane krama tan dados melaksana ajum / degel makarya ritatkala ngaben sane ngametuang biyuta, yan mamurug patut kadanda nganutin parareman.

Pawos 59

NGIDIH / MAKIDIHANG SAWA WONG JABA KUTA :

- a. Kedadosan ngidih sawa kajaba kuta nanging sang ngidih punika tepengan mewangun ngaben, tur permargin ngaben punika ngeraga, tingkahe ring ajeng taler polih patus aduman, tur kapatutan nawur penyewan setra kabawosan ring parareman.
- b. Kedadosang makidihang sawa kadura desa nanging iriki tepengan ngaben tur didane utawi dedauhane patch.

Pawos 60

UPAKARA KULKUL

- (3)
(4)
- a. Upakara saꦑe katur ring kulkul banjar lan pipil ritatkala pitra yadnya (upadesa, pengutangan).
1) Nasi kelompokan maulam kawisan.
2) Peras ajengan santun maulam japit.
- b. Risampun wusan upakara inucap, lungsuranne kapica ring :
1) Banten pipil kapica ring kelian.
2) Banten kulkul kaduman olih tigang prajuru.

Palet 4

Indik Manusa Yadnya

Pawos 61

- (1) Manusa yadnya inggih punika upacara-upacara dharmaning manusa, ngawit saking patemoning kama bang / kama petak sajeroning garba, ngantos kelayu sekaran riwekas. (1) I
- (2) Upacara kadi ajeng madudonan sekadi ring sor :
a. Magedong-gedongan duk pengerimpinin ibiang. (2) I
b. Duk sang kama reka medal. (2) I
c. Kepus udei. (2) I
d. Roras rahina. (2) I
e. Tutug kambuhan (42 rahina). (2) I
f. Nigang sasihan (3 bulan). (2) I
g. Pawetuan/oton odalan. (3). I
h. Tutug kelih (ngeraja swala, wadone, ngembakin lanang). (4). I
i. Matatah / mapandes. (4). I
j. Mawiwahan. (5) R
k. Mawinten. (5) R
- (3) Upacara-upacara inucap alit, madya, utama manut sastra agama saha catur dresta. (6) P
a

Palet 5

Indik Butha Yadnya

Pawos 62.

- (1) Butha Yadnya inggih punika upacara-upacara ring bebuthan.
- (2) Upacara pabiya kala ring sarwa tumuwuh muang piranti :
a. Ring sarwa tumuwuh rikala tumpek pengateg (Saniscara Kliwon Wariga).
b. Ring sarwa ingon-ingon rikala Tumpek Andang (Saniscara Kliwon Uye).

- c. Upacara pekala-kala manusa anut widana, kabawos pabiya kala.
- (3) Upacara pabiya kala ring pertiwi, kahyangan lan bebuthan kawastanin mecaru.
- (4) Pecaruan inucap agung alit, madya, utama manut wiguna kadi ring sor :
- n).
- a. Eka sata.
 - b. Panca sata
 - c. Panca sanak
 - d. Rsi gana.
 - e. Tawur agung
 - f. Panca kelud.
- (5) Sajawaning kadi ring ajeng kawentenang upakara :
- a. Majot-jotan utawi yadnya sesa nyabran wusan ngerateng.
 - b. Mesapuh rikala pacang wali ring pura.

oning

Pawos 63

- (1) Nangken ngewarsa rikalaning Tilem Kesanga kawentenang tawur kasanga, kalanturang ngerupuk, makacihna pacang mapag rahina panyepian benjangne.
- (2) Brata panyepian sane kamargiang antuk krama desa :
 - a. Amati geni : tan kengin maapi-api.
 - b. Amati karya : tan kengin nyambut karya.
 - c. Amati lelungan : tan kengin maoneng-onengan masuara gora, lan sapanunggalannya.
 - d. Amati lelungan : tan kengin malelungan.
- (3) Pababatan inucap kamargiang sakeng semeng ngantos semeng benjangne.
- (4) Sang amurug kecaping ajeng keni pamidanda manut pararem banjar soang-soang kamargiang antuk petelik (Pecalang Desa).
- (5) Riwus rahina nyepi (benjangne) maka cihna pengawit Icaka Warsa patut warga desa sami madarmasanti.
- (6) Pecaruan ring pempatane sawengkonin Desa Cemenggaon wusan wali ring pura desa.
 - a. PECARUAN I/KAJENG KLIWON I
 - 1) PEMPATAN RING PURA DESA.
 - Sambleh kucit butuan (wusan wali nyatur)
 - Sambleh ayam biing gumerot (wusan wali ngebekin)
 - Nasi klompokan.
 - Maulam kawisan bawi
 - Suci
 - Kober putih marajah gana, makatik tiing gading.

2) PEMPATAN RING KALER KAUH.

- Nasi klompokan
- Maulam kawisan bawi
- Ajengan
- Masegeh
- Kober putih marajah gana makatik tiing gading

3) PEMPATAN RING KELOD KANGIN

- Nasi klompokan
- Maulam kawisan bawi
- Ajengan
- Kober putih marajah gana makatik tiing gading.

4) PEMUWUNAN SOANG-SOANG

- Nasi klompokan
- Maulam kawisan bawi
- Ajengan
- Masegeh.

5) NGERURAH RING PEMPATAN PURA DESA

- Nasi klompokan
- Maulam kawisan bawi
- Ajengan

6) RATU NATARAN

- Suci
- Peras ajengan santun
- Nasi klompokan
- Maulam kawisan bawi

7) RATU DESA

- Peras ajengan santun
- Nasi klompokan
- Maulam kawisan bawi.

8) RATU PUSEH

- Peras ajengan santun
- Nasi klompokan
- Maulam kawisan bawi

9) LUHURIN AKASA

- Peras ajengan santun

- Nasi klompokan
- 10) YANG BASUKIH
 - Peras ajengan santun
 - Nasi klompokan
- 11) PURA DALEM
 - Nasi klompokan
 - Peras ajengan santun
 - Maulam kawisan bawi
- 12) PRAJAPATI
 - Peras ajengan santun
 - Nasi klompokan
 - Maulam kawisan bawi
- 13) NUNAS TIRTA CARU RATU NATARAN
 - Peras ajengan santun
 - Nasi kawisan
 - Ulam kawisan bawi
 - Sesari 66 keteng
- 14) NGEMEDALANG RATU WIDYA DARI
 - Peras ajengan 2
 - Tipat bantal 2
 - Laban 2
- 15) KATUR RING RATU WIDYA DARI RING PEMUWUNAN
 - Suci
 - Sambleh ayam biying
 - Ajengan
 - Kawisan bawi
 - Segehan agung
- 16) RING PAUMAHAN / LEBUH SOANG-SOANG
 - Nasi klompokan
 - Maulam kawisan bawi
 - Kober putih merajah gana, makatik ting gading
- 17) PEJATI RATU WIDYA DARI
 - Peras ajengan santun
 - Nasi klompokan

18) PEJATI BATARA RAMBUT SEDANA

- Peras ajengan
- Nasi klompokan

Pawos 64

PECARUAN I / KAJENG KLIWON I

- a. Makarya suci..... 3
- b. Peras ajengan santun..... 14
- c. Kawisan bawi..... 14
- d. Ajengan 40
- e. Ngadang tabuh rah.

PECARUAN II / KLIWON

- Mecaru tumpeng barak
- Maulam pesan ayam biying
- Makarya peras ajengan santun..... 3
- Kawisan bawi..... 7
- Ngadang tabuh rah.

PECARUAN III / KAJENG KLIWON II

- Mecaru tumpeng kuning
- Maulam sarin taluh
- Makarya peras ajengan santun..... 3
- Kawisan bawi..... 7
- Ngadang tabuh rah.

Pawos 65

NANGLUK MRANA / TILEM KE ENAM

Bebanten :

1. Pejati 2 soroh
2. Segaan barak 5 tanding
3. Sodan atanding
4. Canang pamendak atanding

PELAKSANAAN :

1. Pejati asoroh katur ka segara lebih ritatkala nunas pakuluh.
2. Segan barak katur ritatkala pakuluh rauh ring jaba pura desa maduluran canang pamendak.
3. Sodan katur sesampune pakuluh malinggih ring bale agung.
4. Pejati malih asoroh katur ring Ida Batara Ratu Desa (ngaturan piuning).
5. Pakuluh kacampuh antuk toya ening raris kapica ring krama desa maduluran antuk canang atanding.
Pakulub punika kasiratin ring pakarangan miwah ring sawah soang-soang.

Pawos 66

TILEM KA ULU

Ring pura kahyangan tiga, pura pantian, miwah ring merajan krama desa soang-soang, ngaturang banten tipat kelanan matatakan sayut, maraka sentul boni, maulam balang capung.

NGRESI GANA / PURNAMA KA SANGA

Ring pura kahyangan tiga, pura pantian, miwah ring merajan krama desa soang-soang, ngaturang banten penek 9 bungkul macelekan bungan sungsang matatakan sayut, maraka sentul boni, maulam taluh bebek, majukut mot-motan.

Pawos 67

MELASTI KESEGARA / NGESANGA

- a. Bebanten katur ring Batara Surya.
Suci genep asoroh, peras ajengan santun, sesari 999 keteng jinah bolong, canang pangeresikan, rantasan, dapetan asoroh, sodan apunjung, maulam bebek.
- b. Bebantenan katur ring segara.
Rantasan pasucian genep, canang lenge wangi, burat wangi, canang pamendak, lis gede maruntutan isuh-isuh, tatebus, canang raresikan; sibuh pepek, kukusan, tirta panglukatan griya, suci genep asoroh, soroan asoroh, sodan apunjung, peras ajengan sesantun, perayascita sidapura, ajengan putih kuning, tipat bantal, dapetan genep asoroh, maulam bebek. Pengelem bebek putih, ayam putih, pejati, peras ajengan sesantun, panganteb mangku.
- c. Bebanten katur ring Kahyangan Tiga.
Peras ajengan, canang raresikan, lis gede genep reruntutan isuh-isuh, tatebus, sibuh pepek, kukusan, segan agung, sambleh pitik selem, penglukatan tirta griya.

SARGA V
SUKERTA TATA PAWONGAN

Palet 1

Indik Pawiwahan

Pawos 68

- (1) Pawiwahan inggih punika : patemoning purusa lan pradana melarapan antuk kayun saking suka cita kadulurin upasaksi sekala lan niskala.
- (2) Indik patemon alaki rabi ring desa adat Cemenggaon nganutin kapurusan (patrilinial).
- (3) Pawiwahan pamargin ipun wenten petang pemargi :
 - a. Pepadikan kemanggalain antuk pakrunayang.
 - b. Ngerorod merangkat riin wawu kalaksanayang pakrunan.
 - c. Nyeburin (nyentana) sesampun nganutin upakara-upakara pamerasan.
 - d. Atep-atepan / jejangkepan patemon alaki rabi malarapan antuk pada arsa lan pada lila.
- (4) Pidabdab sang pacang pawiwahan patut ipun :
 - a. Sane lanang mayusa sakirang-kirangnya 19 warsa (ngembakin) lan sane istri nganutin yusa sekirang-kirang ipun 16 warsa (ngeraja suala).
 - b. Sangkaning pada rena (lilia pikayun).
 - c. Nganutin kecaping sastra agama tan gamia gamana.
 - d. Kemanggala antuk upakara kasudiang parade ngambil tiosan agama.

Pawos 69

- (1) Pawiwahan sane kapatutan ring desa sekadi ring sor.
 - a. Sampun kamargiang pabiya kala utawi pasakapan kesaksiang sekala niskala antuk pandita / pinandita.
 - b. Wenten pesaksi prajuru / dulu-dulu sane mapekelingan utawi ngilikitayang pawiwahan.
 - c. Sampun matengeran suaran kulkul pawiwahan inucap ring ajeng sampun kasurat ring sang ngawewenang.
- (2) Pemargin pawiwahan mangda nganutin undang-undang perkawinan sakeng sangawewenang, yan tan manut kadi ring ajeng sinanggeh tan patut (tan sah).
- (3) Sang mamurug kadi pamargi ring ajeng wewenang keni pamidanda nganutin pararem.

Pawos 70

Tata cara pawiwahan patut sekadi ring sor :

- a. Sapa sira ugi pacang ngawarangan pakula warga patut masadok ring prajuru / dulu-dulu selanturnia prajuru mari tetes manut tan manut pemargin pawiwahan.

b. Pemargin dodudonan pepadikan.

1) Pekrunan jantos ping tiga saha soang-soang malarapan antuk :

a. Kapartama pamargine mangda makta canang pangarawos saha kaanter antuk manggala desa / kelihan dinas rauh ring genah sang wadon taler patut kasanggra antuk manggala desa ring genah sang wadon.

b. Kaping kalih taler pateh kadi ring ajeng (sajawaning wenten pidabdab sakeng sang wadon).

c. Pamuput pepadikan makta tipat bantai saha raka-raka sepatute lan pejati taler kaanter antuk manggala desa/kelian adat.

2) Risampun puput bebaosan sami raris sang wadon kaajak budal ring pakubon sang lanang saha kalanturan antuk pabiya kala.

3) Mangda puput tumus sekala niskala riyin kula warga purusa makta pejati ring mrajan wadone.

c. Pemargin parorodan sekadi ring sor :

1) Rerame sane lanang utawi purusa ngawentenang pamilaku (peneges) antuk duta sakirangnia kalih diri tan kengin kasep ring arahina kaanter antuk manggala desa.

2) Yening sangkaning tan wenten pengeluku kengin meseserep (negteg) kaanter antuk prajuru nganutin tata cara panetes.

3) Yening parade kantun sumendia reraman sang daha ngemargiang panetes.

4) Pagenahan antene ring pakubon sang lanang sadereng mabiya kala nganutin dresta.

d. Sajeroning pakrunayang (pengelukuan) patut :

1) Kemanggalain antuk geng pengampura (melaku pelih ring reraman wadone).

2) Keiguman bebawos indik pekidih (pelegayang) arep ring pasewakan reraman sang ngidih saha dewasa pekerab kambeane riwekas.

3) Kecihnayang indik kapurusa utawi parade sentane rajeg kajejerang kapatut ngidih anak lanang sane kabawos pawiwahan nyeburi tur risampun sulur pamerasan teges ipun kamanggehang sentana nyeburin.

4) Parade tan katerima pejati pakrunan kemargiang jantos ping tiga.

e. Pekerambeam mapiteges : upacara tinus apadang (puput) mapikuren duaning manut sekadi ring sor :

1) Sajeroning kabawos ambe kalaksanayang ring sekala niskala antuk serana jejauman miwah mewidi-widian :

a. Jejauman pinaka ngambe / ngadungan kayun soang-soang pakula wargane.

b. Widi widana pinaka pejati niskala, nunas wadone ring merajan kamulannia.

2) Sajeroning kabawos kerab, pelaksanane ring sekala :

a. Antuk penyaksi krama banjar duaning kekerabiang antuk tengeran kulkul.

b. Pemekas penyaksi prajuru/dulu-dulu saha ngilikitayang.

Palet 2

Indik Nyapihan

Pawos 71

- (1) Pawiwahan prasida kawusan melarapan antuk palas perabian utawi padem.
- (2) Wusan mapikuren riantukan salah sinunggal seda mapiteges balu mekadi balu lanang/istri.
- (3) Palas perabian wenten kalih pawos, inggih punika sangkaning pada lila miwah mawiwit wicara.
- (4) Sang ayat palas merabian patut atur supeksa pinih riyin ring sang rumawos (pengadilan negeri) wastu tunas apadang pmutuse kabawos nyapihan wawu dulu nyiarang kawentenania ring desa saha keni pamelin suaran kukul manut pararem.

Pawos 72

Tata cara palas perabian sangkaning pada lila sekadi ring sor :

- a. Nawur prabea pesaksi sinalih tunggil sami matenge.
- b. Paguna kayan polih pahan pada.
- c. Pebekel, tetatadan soang-soang miwah warisan kekuasaan antuk purusa.
- d. Ngewurunin miwah ngupa jiwa preti sentana manut swadarmaning guru rupaka.
- e. Nawur pamidanda suaran kukul manut pararem.
- f. Ngelung jinah logika prajuru/dulu.

Pawos 73

Prade riwekas sangpalas kecihna adung malih, patut :

- a. Ngelaksanayang pawiwahan malih.
- b. Kadanda nikel saking palase, yadiastun wit palas pecak sangkaning pada lila.

Pawos 74

- (1) Sang balu kabinayang dados :
 - a. Balu iuh wit sentana (sentana rajeg) miwah balu luh boya sentana.
 - b. Balu muani kapurusa (wit sentana) miwah balu muani nyeburin (boya sentana).
- (2) Suwadarmaning balu inucap patut :
 - a. Ngemanggehang pati brata tan kengin ngemargiang para dara / drati krama.
 - b. Nguasayang waris panguna kaya, tan dados ngadol, ngadeang, makidihang, lan siyosan punika, sejawaning kasukserahang sakeng pianak utawi kula warga pinih tampek sakeng pekurenanya prade pianak kantun alit-alit.
 - c. Kengin ngidih sentana prade wenten pidabdab sadurung sinalih tunggil padem, saha kasuk serahang antuk kula warga sinanggeh purusa.

d. Kawenangan mawiwaha malih, parade wenten palila sudan anut angka aksara ring ajeng.

Pawos 75

Balu kaucap tan pageh sekadi ring sor :

- cara.
geri)
lesa
- a. Drati krama utawi para dara.
 - b. Matilar saking pakubon tan pasadok jantos 6 (enam) sasih.
 - c. Lempas ring swadarma siwos-siwosan, tan prasida ngesehin solah maprewerti arep ring pituduh kula warga purusa.

Palet 3

Indik Sentana

Pawos 76

- (1) Pratisentana inggih punika sentana sane metu saking pawiwahane kapatute taler sentana sane kaidih ring kapurusan.
- (2) Sentana peperasan : inggih punika sentana antuk ngidih sane nenten wenten pekilitan pakuluargan utawi kapurusan.

Pawos 77

- (1) Ngangkat sentana manut dudonan patut makacihnayang antuk pamerasan sepatutnia lan kasaksian antuk mangala desa taler kaulawargan ipun.
- (2) Sapasira ugi krama pacang ngidih sentana patut masadok ring Prajuru tigang sasih sadurung pamerasan.
- (3) I Prajuru Banjar patut nyoyahang indike kadi ring arep mantuk ring krama banjar sami prade wenten krama tan lila mangda kalih sasih sadurung pemerasan patut masadok ring prajuru banjar.
- (4) Paradesulur paperasan tan manut ring kecap ring ajeng iprajuru banjar wenang ngundang sang pacang makarya saha ngicenin penuntun mangda kapuputang riyin bebawosan sulur utawi wicaranya.

Pawos 78

- pe
ik
- (1) Paperasan sane kapatut ring desa risampun makecihna :
 - a. Widi-widana pamerasan.
 - b. Kesaksiang antuk prajuru desa sane makelingang utawi ngilikitayang.
 - c. Kasiarang ring wawidangan banjar.
 - (2) Sane kapatut peras anggen sentana kadi ring sor :

- a. Jadma meagama Hindu. (1)
 - b. Kautamayang saking waris pancen kapurusa.
 - c. Kulawarga saking purusa, prada tan wenten kengin saking wadon.
 - d. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambil anak tios sakewanten sang meagama Hindu. (2)
- (3) Tan kengin ngangkat sentana langkung ring adiri lanang utawi wadon.

Pawos 79

Sentana peperasan : Prade ipun kewaliang patut ipun polih pah-pahan karang ayah desa apah telu, pemarginè yèning sampun kebawosan ring parareman, I rerama sane meras patut keni danda duaning ipun sampun lepas ring pasubaya. (1)

Pawos 80

Prade sane ngidih sentana punika malih ngidih sentana sane sampun kewaliang tulak wali wasthan ipun, wenang sang ngidih kadanda nganutin parareman.

Yening wenten ngangkat sentana peperasan matilar sakeng manah ipun newek nanging pada lasia sareng sane ngidih.

Taler sane ngidih punika patut kadanda nganutin parareman. (1)

Palet 4

Indik Warisan

Pawos 81

- (1) Warisan inggih punika tatamian arta brana saha ayah-ayah ngupadi sukerta sekala niskala saking keluhurnia arep ring turunannya.
- (2) Kang sinanggeh warisan luwige :
 - a. Duwe tengah mekadi karang ayahan desa, kahyangan, pusaka siwa krana, muah sane siyosan. (1)
 - b. Pemerajan (sanggah).
 - c. Paguna kayan, tatadan utawi jiwadana, hutang piutang.
- (3) Wawu kengin kabawos warisan risampun wenten :
 - a. Sang mapiturun (pewaris).
 - b. Keturunan (waris).
 - c. Arta brana miwah tategenan (ayah-ayah) makacihna warisan. (1)

Pawos 82

(1) Waris punika luwure :

- a. Pratisentana purusa.
- b. Pratisentana pradana (sentana rajeg).
- c. Sentana paperasan, lanang utawi wadon.

(2) Parade tan wenten sekadi ring ajeng, kang sinanggah waris :

- a. Turunan pernah purusa ngunggahang rerama lanang, pekak selantur ipun, rerama misan mindon.
- b. Turunan purusa pernah ke samping, makadi keponakan miwah mindon.

Pawos 83

(1) Swadarmaning waris patut :

- a. Nerima saha nguasayang tatamian pahan saking kaluhurannya mekadi ngarempon sanggah, pura saha pangupakarannya miwah nyeledihinin ayah-ayahan pewaris.
- b. Ngaturan karya pitra yadnya marep ring pewaris.
- c. Nawurin utang-utang pewaris sane manut pangeloika.

Pawos 84

Pangepahan warisan manut sekadi ring sor :

- a. Risampun kalaksanayang pitra yadnya lan utang-utang pewaris buntas katawur.
- b. Para waris polih pahan pada, sangkaning paguna kayan, sajabaning karang, tegal ayahan desa kaemong antuk waris kang sinanggeh krama marep utawi pengampel.
- c. Sinalih tunggil waris kengin tan polih pahan parade :
 1. Nilar kawitan lan sasananing agama.
 2. Alpaka guru rupaka.
 3. Sentana rajeg kesah mawiwaha utawi preti sentana mawiwaha nyeburin, soang-soang kabawos ninggal kadaton.
- d. Boyo waris kengin nguponin upon anut dudonan, luwure :
 1. Sentana luh salami dereng sah mawiwaha utawi tan alpaka guru, miwah prada logika sanggraha mewastu madrebe pianak, pianak babinjat utawi astra wasan ipun kengin ngawaris wantah pikolih (peguna kaya) sentana luh inucap kemawon.
 2. Balu luh wiadin balu muani nyeburin (soang-soang) boye sentana.
 3. Mulih deha utawi mulih taruna, riantukan ring pawiwahane pecak sampun kabawos ninggal kadaton.
- e. Pewaris rikala maurip kengin maweweh pinaka jiwa dana : tatadan utawi bekel, makachihna

paweweh tetep ring pianak sane sah mawiwaha.

Pawos 85

- (1) Parade sajeroning pakuluargan wenten waris langkung ring adiri patut :
 - a. Kawentenang paigum indik pedum waris inucap. (1)
 - b. Prade tan prasida, katunasang tetimbang ring dulu-dulu (kerta desa). (2)
 - c. Parade taler tan wenten cumpu ring panepas kerta desa, kengin katumusang ring sang rumawos. (2)
- (2) Parade wenten karang ayahan desa inucap kaputungan, patut iprajuru banjar nimbakin ring :
 - a. Sang sinanggeh waris manut pawos 79. (3)
 - b. Sang kengin anggen sentana manut pawos 79 (2).
 - c. Parade taler tan wenten cumpu ring penepes kerta desa, kengin katumusang ring sane rumawos.
- (3) Parade jantos karang ayahan desa kapah utawi kasepih patut soang-soang nedunin makrama desa marep. (4)

SARGA VI

WICARA LAN PAMIDANDA

Palet 1

Indik Wicara

Pawos 86

Sane kabawos wicara : saluirin pelaksana sane kasinanggeh nungkasin awig-awig, pararem, pasuaran miwah dresta sane sampun manggeh ring desa / banjar Cemenggaon.

Pawos 87

- (1) Sane wenang mawosin makadi mutusang wicara ring desa/banjar inggih punika prajuru/ penghulu desa/banjar.
- (2) Prade sang mawicara tan wenten cumpu ring pamutus kerta desa / banjar kengin nunasang wicara inucap ring sang rumawos.

Pawos 88

- (1) Sahanan wicara mawiwit kecorahan sakaluir sinanggeh nungkasin daging awig-awig, pararem miwah pasuaran desa / banjar prajuru patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Penepase patut pastika nyantenan iwang patut melarapan Tri Premana (saksi, ilikita, bukti)

miwah tan maren nepek ring Catur Dresta.

Palet 2

Indik Pamidanda

Pawos 89

- (1) Desa / banjar wenang niwakang pamidanda ring warga desa / banjar lan ring sapisira ugi mamurug ring awig-awig, pararem ring wawidangan desa / banjar.
- (2) Paniwakan inucap kalaksanayang oleh prajuru desa/kelihan banjar adat.
- (3) Bacakan pamidanda luire :
 - a. Ayahan panukun kasisipan.
 - b. Danda arta.
 - c. Kedaut karang ayahannya/PKD.
 - d. Kanorayang.
 - e. Panyangaskara.
- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngeranjing dados druwen desa/banjar.

Pawos 90

- 1) Krama sane langkung ring tigang paruman ngelantur tan nawur urunan miwah dadendan, wenang karampag.
- 2) Rampagan nganggong tatacara kadi ring sor :
 - a. Kalaksanayang antuk prajuru sami.
 - b. Sang ngerampag sangkaning darsana ngambil barang utawi nyawenin tanem tuwuh akehnya manut ring utang sang karampag.
 - c. Prajuru miteketang mangda barang-barang sane karampag digelis katebus, masengker 7 rahina, ring kutus rahinane pacang kaadol.
 - d. Tan nganinin saluirin barang sane patut inggilang manut agama miwah mademang pangupa jiwa sang karampag.

Pawos 91

- 1) Prade sang pacang karampag ngawara (ngalangin) pelaksana inucap mewastu sampun tan nganutin Awig-awig desa/banjar wenang karang sane kagenahing kadaut antuk desa/banjar parade karang punika karang Desa.
- 2) Samalih yan purun taler ngalangin pelaksana kadi ring ajeng tan wenten pemargin sawawaning kanoroyang antuk krama desa/banjare.

(3) Pamidande inucap ring ajeng keni buntas risampune sang kakenain :

- a. Nunas geng pengampura ring krama desa/banjar riantukan nguak pasubaya (pararem) pecak. 1).
- b. Nawur pangargan panguak pasubayanne duk pacang karampag kadulurin parayascita panyapsap kaiwangane ring desa/banjar.

SARGA VII NGUWAH - NGUWUHIN AWIG-AWIG

Pawos 92

- (1) Nguwah-nguwuhin Awig-awig Desa/banjar puniki kalaksanayang antuk paruman desa/banjar.
- (2) Aiwg-awig puniki kamargiang ngawit keingkupin (kararemin).

Pawos 93

- (1) Sakaluring sane wenten saderengnya patut kaanutang ring sadaging Awig-awig puniki.
- (2) Sakaluring sane durung kabawos sajeroning awig-awig punika patut kalaksanayang manut tata cara sane sampun ketah memargi kadulurin antuk perarem-perarem.

SARGA VIII

Pamuput

Pawos 94

- (1) Awig-awig puniki kararemin ring rahina : Come Umanis Wuku Wara Bala, Pangelong apisan, Sasih Kapat, Caka 1918, Tanggal masehi 28 Oktober 1996.
- (2) Awig-awig puniki kalingga tanganin antuk bendesa kasarengin Prajuritun Dinas.
- (3) Luwir sang ngalingga tanganin :


Sane Ngalingga Tanganin

a. Kapertama Frajuru Adat.

1). Penyarikan



(I MADE MUDRA).



(KOMANG JATI, S.E.)



3. Kelman Banjar Cemenggaon



(I NENGWAH YUDANA)

b. Prajuru Dinas Pinaka Saksi

1). Kepala Dusun Cemenggaon



Mengetahui dan telah dicatatkan

Pada Tanggal : 25 Oktober 1996

Nomor : 12 Tahun 1996



BUPATI KEPALA DAERAH TINGKAT II GIANYAR

TJOKORDA GDE BUDI SURYAWAN, S.H.

DENAH PEMBAGIAN SETRA KRAMA DESA CEMENGAON

PURA DALEM

PURA PRAJAPATI

S. Pemaksan Duwur S. Pemaksan Purnama. S. Tempekan Mengaling. <div style="border: 1px solid black; display: inline-block; padding: 2px 10px; margin: 5px auto;">Pamuwunan</div>
Setra Rare

Setra Pemaksan Sanding	Setra Pemaksan Pande Bang	Setra Jero Bangbang Pemuwunan	Setra Tempekan Cakra lan sane siosan.
Setra Rare			

S. Pemaksan Batur <div style="border: 1px solid black; display: inline-block; padding: 2px 10px; margin: 5px auto;">Pemuwunan</div>
Setra Rare.

Sane wenang mebasmi ring pebasnian Agung / pemuwunan, wantah dane :

1. Jero Mangku Kahyangan / Jero Mangku Gumi.
2. Jero Bangbang
3. Jero Mangku Manca.

Sekadi sane wenang mebasmi ring pebasnian agung boya sangkaning ngawe-ngawe lan sangkaning kasta, nanging sangkaning sejarah lan panemayan panglingsir sane dulu-dulu.

ANGGOTA PANITIA AWIG-AWIG DESA ADAT CEMENGAON TAHUN 1996

- | | |
|---------------------------|-------------------------|
| 1. Nyoman Diana | (Anggota) |
| 2. Made Mudra | (Prajuru) |
| 3. Nengah Mudana | (Kepala Dusun) |
| 4. Mangku Purnama | (Mangku Manca) |
| 5. Kadek Sudarsa Negara | (Pemuda) |
| 6. I Komang Jati, S.E. | (Bendesa Adat) |
| 7. Drs. Made Parsa Arsana | (Anggota) |
| 8. Kadek Suka | (Prajuru) |
| 9. Made Tingkes | (Anggota) |
| 10. Made Sukaharsa, B.A. | (Anggota) |
| 11. Mangku Duwur | (Mangku Manca) |
| 12. BB Wisama | (Anggota) |
| 13. W. Adi Mataram, S.E | (Pemuda) |
| 14. Ketut Tirta | (Anggota) |
| 15. Made Suda | (Anggota) |
| 16. Made Suprapta | (Anggota) |
| 17. Mangku Desa | (Mangku Kahyangan Tiga) |
| 18. BB Suwardana, Sm.Hk. | (Anggota) |
| 19. Sutresna | (Anggota) |
| 20. Mangku Nataran | (Mangku K. Jagat) |
| 21. Mangku Dalem | (Mangku K. Tiga) |
| 22. W. Mutra | (Prajuru) |
| 23. Mangku Maspait | (Mangku Manca) |
| 24. Mangku Pande Bang | (Mangku Manca) |
| 25. Komang Ratana | (Pemangku) |
| 26. Made Puspa | (Anggota) |
| 27. W. Wardita | (Anggota) |
| 28. Drs. Nyoman Sukadana | (Anggota) |
| 29. W. Punduh | (Anggota) |
| 30. Made Yuda | (Pemuda) |
| 31. Made Marsa | (Anggota) |
| 32. Made Suteja | (Anggota) |
| 33. Nyoman Patra | (Anggota) |
| 34. Ketut Mandra | (Prajuru) |
| 35. W. Balok | (Prajuru) |
| 36. W. Kampih | (Prajuru) |

ekan

1

ine

1.

ngka-

